



UKA 15/23.2
12. november 2015
Naaja H. Nathanielsen

Uunga siunnersuut: Aningaasarsianit akileraarutit pillugit Inatsisartut inatsisaata allangortinneqarneranik Inatsisartut inatsisaat nr. xx, xx. xxx 2015-imeersoq.

(Aningaasaqarnermut Aatsitassanullu Naalakkersuisoq)

Nukissiorfiit akileraartarunnaarnissaat, akileraartarnermullu taarsiullugu akiliummik akiliisalnissaat piumasarineqarluni maannakkut amerlanerussuteqartunit aalajangerniarneqalerpoq. Amerlanerussuteqartut maannakkut aalajangerniarsarisaat 2012-imi Inatsisartuusut aalajangigaannut ersarissumik akerliulluinnarpoq.

Taamani Inatsisartut Naalakkersuisullu ersarilluinnartumik aalajangiipput. Ingerlatseqatigiiffik akileraartarunnaarsinneqassappat, taarsiullugulu akiliut akilernerqartalissalluni akiliutissap pineqartup minnerpaamik selskabit akileraarutaat assigissavaa.

Taamani Naalakkersuisuusut saqqummiussaminni allapput taamaaliunngikkaanni ingerlatseqatigiiffiit allat appasinnerusumik akileraartarnissaminnik piumasaqaateqalersinnaasut, tamassumalu nunatta karsianut malitsigisassai imaannaanngitsut pilersinnaasut.

Isuma tamanna Inatsisartuni Inuussutissarsiornermut Ataatsimiititalianit tamakkiisumik isumaqatigineqarpoq, Ataatsimiititaliallu isumaliutissiissummini arlaleriarluni erseqqissarppaa akiliut ingerlatseqatigiiffiit akileraarutigisartagaannut assingutillugu naleqquttumik inissinneqartariaqartoq.

Partiilli arlallit allatut isumaqalersimapput, tamannalu sumik tunngaveqarnersoq nassuiarumanagu. Nunatta unammillillaqqinnerulernissaa uagut sulissutigerusupparput, taamaattorli ingerlatseqatigiiffiit akornanni nunatsinni tamatta pisuussutitsinnik atuinermiinni annikinnerpaaffissaanik akiliinissaq anguniarlugu akunnermiinni unammiaarnissaat periarfissikkusunngilarput.

Partiit allat ilungersorluta qinnuigissavagut siunnersuut ataatsimiititaliamut uterteqqeqqullugu, isummersimanertillu eqqarsaatigeqqeqqullugu. Taamaattoqarsinnaanngippat siunnersuut allatut ajornartumik itigartittariaqassavarput. Tamannalu ajuusaarnarluinnartutut isigissavarput – ingerlatseqatigiit tungaasigut nunatsinni akiliuteqartarnikkut siunnerfik atuuttusaaq isumaqatigiissutigisinnaasariaqarparput.